



ქალაქ თბილისის მუნიციპალიტეტის საკრებულო



ბ ა ნ კ ა რ ბ უ ლ ე ბ ა № 442

“ 22 ” სექტემბერი
“ --- ” ----- 2023 წ

ქ. თბილისი

ქალაქ თბილისის მუნიციპალიტეტის საკუთრებაში არსებული ფართების პირდაპირი განკარგვის ფორმით პრივატიზების საკითხის შეთანხმების თაობაზე

საქართველოს ორგანული კანონის - „ადგილობრივი თვითმმართველობის კოდექსი“ მე-16 მუხლის მე-2 პუნქტის „ბ“ ქვეპუნქტის, 61-ე მუხლის მე-2 პუნქტის, 75-ე მუხლის „დ.ა“ ქვეპუნქტის 118¹ მუხლის პირველი და მესამე პუნქტების და „ქ. თბილისის მუნიციპალიტეტის საკუთრებაში არსებული ქონების პირდაპირი განკარგვის ფორმით პრივატიზების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 12 აგვისტოს №21-85 დადგენილებით დამტკიცებული წესის პირველი მუხლის მე-3 პუნქტის, მე-2 მუხლის პირველი და მე-6 პუნქტების აგრეთვე, „ქალაქ თბილისის მუნიციპალიტეტის საკუთრებაში არსებული ფართების პირდაპირი განკარგვის ფორმით პრივატიზების თაობაზე“ ქალაქ თბილისის მუნიციპალიტეტის მთავრობის 2023 წლის 6 სექტემბრის №23.1313.1457 განკარგულების საფუძველზე, ქალაქ თბილისის მუნიციპალიტეტის საკრებულომ დაადგინა:

1. მიეცეს თანხმობა ქალაქ თბილისის მუნიციპალიტეტის მთავრობას, „ქალაქ თბილისის მუნიციპალიტეტის საკუთრებაში არსებული ფართების პირდაპირი განკარგვის ფორმით პრივატიზების თაობაზე“ ქალაქ თბილისის მუნიციპალიტეტის მთავრობის 2023 წლის 6 სექტემბრის №23.1313.1457 განკარგულების დანართი №1-ის სახით განსაზღვრული ფართების (7 (შვიდი) საკადასტრო ერთეული) მოქალაქეებისათვის: თამილა მურვანიძე (პ/ნ. 33001018747), ზაზა ზაუტაშვილი (პ/ნ.01027033406) და მარიამ ზაუტაშვილი (პ/ნ.01027033407), ამავე დანართის №1-ის შესაბამისად, პირდაპირი განკარგვის ფორმით, სიმბოლური ფასის 1 – (ერთი) ლარის სანაცვლოდ პრივატიზებაზე, ქალაქ თბილისის მუნიციპალიტეტის მთავრობის ზემოაღნიშნული განკარგულების დანართი №2-ის სახით განსაზღვრული, ხელშეკრულების პროექტის საპრივატიზებო პირობების მიხედვით.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64), კანონმდებლობით დადგენილი წესით.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე

N	სახელი, გვარი	პირადი ნომერი	ფართი: (კვ.მ.)	მისამართი	საკადასტრო კოდი
1.	თამილა მურვანიძე	33001018747	(აღნაგობის უფლების საფუძველზე) 49.40 (შენიშვარე)	ქალაქი თბილისი, ზურაბ პატარიძის ქუჩა N3, სართული 3, ბინა N10	01.17.07.024.079.01.01.010
			(აღნაგობის უფლების საფუძველზე) 49.40 (შენიშვარე)	ქალაქი თბილისი, ზურაბ პატარიძის ქუჩა N3, სართული 7, ბინა N50	01.17.07.024.079.01.01.050
			35.00 (შენიშვარე)	ქალაქი თბილისი, მასივი III, (ნაკვ. 20/025), სართული 7, ბინა N89	01.19.20.020.080.01.01.089
			50.00	ქალაქი თბილისი, მასივი II, (ნაკვ. 20/025), სართული 11, ბინა N142	01.19.20.020.080.01.01.142
2.	ზაზა ზაუტაშვილი მარიამ ზაუტაშვილი	01027033406 01027033407	69.50 (შენიშვარე)	ქალაქი თბილისი, ქუჩა ტრიკოტაჟი N3; ქალაქი თბილისი, ქუჩა ვ. ნინუა, N3, სართული 1, ბინა N4	01.12.12.001.407.01.01.004
			79.10 (შენიშვარე)	ქალაქი თბილისი, ქუჩა ტრიკოტაჟი, N3; ქალაქი თბილისი, ქუჩა ვ. ნინუა N3, სართული 1, ბინა N6	01.12.12.001.407.01.01.006
			33.40 (შენიშვარე)	ქალაქი თბილისი, ქუჩა სუხიშვილი N7, სართული 9, ბინა N52, ბლოკი „ბ“	01.19.39.029.046.01.02.052

ხელშეკრულება
უძრავი ქონების პირდაპირი განკარგვის ფორმით პრივატიზების შესახებ

ქ.თბილისი,

_____ 2023წ.

მუხლი 1. ხელშეკრულების მხარეები და ხელშეკრულების მიზანი

1.1. საქართველოს ორგანული კანონის „ადგილობრივი თვითმმართველობის კოდექსის“ 118¹ მუხლის პირველი და მესამე პუნქტების შესაბამისად, ქალაქ თბილისის მუნიციპალიტეტის მთავრობის [●] განკარგულების და ქალაქ თბილისის მუნიციპალიტეტის საკრებულოს [●] განკარგულების საფუძველზე, ჩვენ, ხელშეკრულების მხარეები: ერთი მხრივ, ქალაქ თბილისის მუნიციპალიტეტის მთავრობის სახელით - საჯარო სამართლის იურიდიული პირი - ქონების მართვის სააგენტო (შემდგომში „სააგენტო“), მის. ქ. თბილისი, შარტავას ქ. №7, წარმოდგენილი [●] მიერ პ/ნ: [●] და მეორე მხრივ, (შემდგომში - „ქონების შემძენი“ [●] (პ/ნ [●]) მის: [●], ვდებთ ქალაქ თბილისის მუნიციპალიტეტის ქონების პირდაპირი განკარგვის ფორმით პრივატიზების ხელშეკრულებას (შემდგომში - „ხელშეკრულება“) შემდეგზე:

1.2. ამ ხელშეკრულებით, სააგენტო საკუთრებაში გადასცემს ქონების შემძენს ქალაქ თბილისის მუნიციპალიტეტის საკუთრებაში არსებულ ქონებას:

1.2.1 [●] (საკადასტრო კოდი: №[●])

1.2.2 [●] (საკადასტრო კოდი: №[●])

1.2.3 [●] (საკადასტრო კოდი: №[●])

1.2.4 [●] (საკადასტრო კოდი: №[●])

უძრავი ქონების მახასიათებლები განსაზღვრულია საჯარო რეესტრიდან ამონაწერით: განცხადების რეგისტრაციის ნომერი: მომზადების თარიღი

1.3 ხელშეკრულების 1.2 პუნქტით განსაზღვრული ქონების გადაცემის სანაცვლოდ, ქონების შემძენი ქალაქ თბილისის მუნიციპალიტეტს გადასცემს ამ ხელშეკრულების 2.3 პუნქტით გათვალისწინებულ მოთხოვნის უფლებებს და კისრულობს ამ ხელშეკრულებით განსაზღვრული სხვა პირობების შესრულების ვალდებულებას.

მუხლი 2. საპრივატიზებო პირობები

2.1. ხელშეკრულების 1.2 პუნქტით გათვალისწინებული საპრივატიზებო საფასური განისაზღვროს სიმბოლური ფასით - 1 (ერთი) ლარის ოდენობით და მისი გადახდა ქონების შემძენის მიერ განხორციელდეს შესაბამისი ხელშეკრულების გაფორმებიდან არაუგვიანეს 1 (ერთი) თვის ვადაში.

2.2. საპრივატიზებო საფასურის გადახდა უნდა განხორციელდეს შემდეგ საბანკო ანგარიშზე თანხის ჩარიცხვის გზით:

მიმღები: სახელმწიფო ხაზინა TRESGE22

სახაზინო კოდი: 300773306

დანიშნულება: ქ. თბილისის მუნიციპალიტეტის საკუთრებაში არსებული შენობების გაყიდვიდან.

2.3 ქონების შემძენი ქალაქ თბილისის მუნიციპალიტეტს გადასცემს (უთმოხს) თავდაცვის /თავდაცვის სამინისტროს აღმოსავლეთ საქართველოს რეგიონალური საბინაო-საექსპლოატაციო ნაწილის (ს.ს.ნ.) 2004 წლის 18 ოქტომბრის №003/2 ორდერით

განსაზღვრულ ქალაქ თბილისში, კალოუზნის ქუჩა ს/ქ.3, კორპუსი 115-ში მდებარე ბინა №1 ორი ოთახი ფართით 34.0 კვ.მ-თან (მიწის ნაკვეთის საკადასტრო კოდი: 01.19.19.005.209 (ძველი საკადასტრო კოდი: 01.19.19.005.204) / თავდაცვის სამინისტროს აღმოსავლეთ საქართველოს რეგიონალური საბინაო-საექსპლოატაციო ნაწილის (ს.ს.ნ.) 2004 წლის 18 ოქტომბრის №001/2 ორდერით განსაზღვრულ ქალაქ თბილისში, კალოუზნის ქუჩა ს/ქ.3, კორპუსი 115-ში მდებარე ბინა №2 ორი ოთახი ფართით 34.0 კვ.მ-თან (მიწის ნაკვეთის საკადასტრო კოდი: 01.19.19.005.209 (ძველი საკადასტრო კოდი: 01.19.19.005.204)), ასევე, ამავე საკადასტრო ერთეულებზე მათ მიერ ფაქტობრივად დაკავებულ უძრავ ქონებასთან დაკავშირებულ ან/და მისგან გამომდინარე საკუთრების ან/და სხვა სახის მოთხოვნის უფლებას. ამასთანავე, ქონების შემძენი უარს ამბობს აღნიშნულ ქონებასთან დაკავშირებით ან/და მისგან გამომდინარე, სხვა ნებისმიერ შესაძლო მოთხოვნაზე (მათ შორის, ზიანის ანაზღაურების), საჩივარზე, სარჩელსა ან/და პრეტენზიაზე, ქალაქ თბილისის მუნიციპალიტეტის, მისი ორგანოების, სახელმწიფოს ან/და სხვა ადმინისტრაციული ორგანოების მიმართ, ასევე, უარს ამბობს აღნიშნულთან დაკავშირებით, რომელიმე ადმინისტრაციულ ორგანოში/სასამართლოში წარდგენილ საჩივარზე/სარჩელზე და კისრულობს ვალდებულებას, დავის შეწყვეტის მოთხოვნით მიმართოს შესაბამის ადმინისტრაციულ ორგანოს/სასამართლოს შესაბამისი ხელშეკრულების გაფორმებიდან არაუგვიანეს 10 (ათი) დღის ვადაში.

2.4 ქონების შემძენმა ხელშეკრულების 1.3 პუნქტით გათვალისწინებული უძრავი ქონება ფაქტობრივად გამოათავისუფლოს და ფაქტობრივად გადასცეს ქალაქ თბილისის მუნიციპალიტეტს, წინამდებარე ხელშეკრულების გაფორმებიდან 3 (სამი) თვის ვადაში.

მუხლი 3. საკუთრების უფლების გადაცემა და რეგისტრაცია

3.1. ქალაქ თბილისის მუნიციპალიტეტს, ხელშეკრულების 1.3 პუნქტში მითითებულ უძრავ ქონებაზე მოთხოვნის და სხვა სახის მოთხოვნის უფლებები გადაეცემა წინამდებარე ხელშეკრულების გაფორმების მომენტიდან.

3.2. ქონების შემძენს ხელშეკრულების 1.2 პუნქტში მითითებულ უძრავ ქონებაზე საკუთრების უფლება გადაეცემა ამ ხელშეკრულების საფუძველზე საკუთრების უფლების სსიპ - საჯარო რეესტრის ეროვნულ სააგენტოში რეგისტრაციის მომენტიდან. საკუთრების უფლების სსიპ - საჯარო რეესტრის ეროვნულ სააგენტოში რეგისტრაციის მიზნით, ამ ხელშეკრულების გარდა, სარეგისტრაციო სამსახურს უნდა წარედგინოს საკუთრების დამადასტურებელი მოწმობა.

3.3. სააგენტო უძრავ ქონებაზე საკუთრების დამადასტურებელი მოწმობას გაცემს ქონების შემძენის მიერ საპრივატიზებო საფასურის გადახდის დადასტურების შემდგომ, კანონმდებლობით გათვალისწინებულ ვადაში.

3.4. ამ ხელშეკრულებით გათვალისწინებული ვალდებულებების შესრულებამდე ქონების შემძენის მიერ ამ ხელშეკრულების 1.2 პუნქტით გათვალისწინებული უძრავი ქონების გასხვისება, იპოთეკით ან/და სხვაგვარად უფლებრივად დატვირთვა დასაშვებია მხოლოდ სააგენტოს წერილობითი თანხმობით.

3.5. უძრავ ქონებაზე საკუთრების უფლების რეგისტრაციას უზრუნველყოფს ქონების შემძენი საკუთრების დამადასტურებელი მოწმობის გაცემისთანავე, გონივრულ ვადაში.

მუხლი 4. მხარეთა განცხადებები და ვალდებულებები

4.1 სააგენტო აცხადებს, რომ ხელშეკრულების 1.2 პუნქტით გათვალისწინებული უძრავი ქონება ხელშეკრულების დადების მომენტისთვის არის ქალაქ თბილისის მუნიციპალიტეტის საკუთრება. უძრავი ქონება არ არის იპოთეკით დატვირთული, არ

არის ყადაღადადებული, რაც დასტურდება სსიპ - საჯარო რეესტრის ეროვნული სააგენტოდან ამონაწერით. ასევე, ამ პუნქტით გათვალისწინებულ უძრავ ქონებაზე არ ირიცხება არანაირი კომუნალური გადასახადი და დავალიანება.

4.2 ქონების შემძენი აცხადებს, რომ არ არსებობენ მესამე პირები, ვისაც ხელშეკრულების 1.3 პუნქტით გათვალისწინებულ უძრავ ქონებასთან დაკავშირებით აქვთ რაიმე სახის პრეტენზია.

4.3 ხელშეკრულების მხარეები აცხადებენ, რომ ხელშეკრულებით გათვალისწინებული უძრავი ქონებების ხარისხი და ნივთობრივი მდგომარეობა შეთანხმებულია მათ შორის და არ არის სადავო.

4.4 ქონების შემძენისთვის ცნობილია, რომ 1.2 პუნქტით გათვალისწინებული ქონება [-] არის მშენებარე მდგომარეობაში და მასთან დაკავშირებით ქალაქ თბილისის მუნიციპალიტეტსა და [-] შორის 20[-] წლის [-] გაფორმებულია „უძრავი ქონების უსასყიდლოდ საკუთრებაში გადაცემის“ ხელშეკრულება, რომლითაც განსაზღვრულია უძრავი ქონების მშენებლობის დასრულებისა და მუნიციპალიტეტისთვის ფაქტობრივად გადაცემის პირობები. წინამდებარე ხელშეკრულების 1.2 პუნქტით გათვალისწინებული შესაბამისი უძრავი ქონების [-] შემძენის სახელზე საჯარო რეესტრში რეგისტრაციით, ქონების შემძენს გადაეცემა [-] საკადასტრო კოდით რეგისტრირებული უძრავი ქონების ნაწილში სსიპ - ქონების მართვის სააგენტოს უფლებები და ვალდებულებები./ქონების შემძენი აცხადებს და ადასტურებს, რომ მისთვის ცნობილია, რომ 1.2 პუნქტით გათვალისწინებული ქონება [-] მას გადაეცემა თეთრი კარკასის მდგომარეობით/. ამასთან, მხარეები თანხმდებიან, რომ წინამდებარე ხელშეკრულების ფარგლებში, მუნიციპალიტეტის პასუხისმგებლობა შემოიფარგლება და მის ერთადერთ ვალდებულებას წარმოადგენს, ქონების შემძენს გადასცეს 1.2 პუნქტით გათვალისწინებულ უძრავ ქონებაზე საკუთრების უფლება, ხელშეკრულების გაფორმების მომენტისთვის არსებულ მდგომარეობაში. ასევე, მხარეები თანხმდებიან, რომ ამავე პუნქტით გათვალისწინებულ ხელშეკრულებაში ქალაქ თბილისის მუნიციპალიტეტის უფლებამონაცვლედ განისაზღვრება ქონების შემძენი და მასზე სრულად გავრცელდება ამ ხელშეკრულებით გათვალისწინებული ქალაქ თბილისის მუნიციპალიტეტის/სსიპ ქონების მართვის სააგენტოს უფლებები და ვალდებულებები.

4.5 ქონების შემძენი აცხადებს, რომ ხელშეკრულების 1.3 პუნქტით გათვალისწინებულ უძრავ ქონებას თავისი მფლობელობიდან გამოათავისუფლებს და ფაქტობრივად გადასცემს ქალაქ თბილისის მუნიციპალიტეტს წინამდებარე ხელშეკრულების გაფორმებიდან არაუგვიანეს 3 თვის ვადაში.

4.6 ქონების შემძენი ვალდებულია, საკუთრებაში გადაცემული ქონების შემდგომი გამოყენებისას დაიცვას კანონმდებლობით დადგენილი მოთხოვნები.

4.7 საპრივატიზებო პირობის შესრულების დადასტურებამდე, ქონების შემძენს არ აქვს უფლება, სააგენტოს თანხმობის გარეშე გაასხვისოს, გასცეს სარგებლობის უფლებით ან სხვაგვარად უფლებრივად (მათ შორის - იპოთეკით) დატვირთოს პრივატიზების საგანი. ამასთან, იგი პასუხისმგებელია შეძენილი ქონების მოვლა-პატრონობაზე და დაცვაზე.

4.8 ხელშეკრულების მოქმედების პერიოდში, ქონების შემძენი ვალდებულია, სააგენტოს მოთხოვნის შემთხვევაში, სააგენტოს მიერ განსაზღვრულ ვადაში წერილობით წარუდგინოს ინფორმაცია საპრივატიზებო პირობის და ხელშეკრულებით ნაკისრი ვალდებულებების შესრულების თაობაზე.

4.9 საპრივატიზებო პირობის შესრულების დადასტურებამდე პრივატიზების საგნის გასხვისების შემთხვევაში, ქონების შემძენი ვალდებულია უძრავი ქონება ახალ მესაკუთრეზე გაასხვისოს იგივე საპრივატიზებო პირობით და ვალდებულებებით, რაც

გათვალისწინებულია ამ ხელშეკრულებით (პრივატიზების საგნის გასხვისებამდე ქონების შემძენმა წინასწარ უნდა გააცნოს ეს ხელშეკრულება ახალ მესაკუთრეს). უძრავი ქონების გასხვისების შესახებ წერილობით უნდა ეცნობოს სააგენტოს.

მუხლი 5. მხარეთა პასუხისმგებლობა, პირგასამტეხლო

5.1 ხელშეკრულებით განსაზღვრული ვალდებულებების შეუსრულებლობის ან შესრულების ვადის დარღვევის შემთხვევაში, ქონების შემძენს ეკისრება პირგასამტეხლო. ქონების შემძენი სააგენტოსგან იღებს წერილობით გაფრთხილებას, რომელშიც მიეთითება დარღვევის გამოსწორების ვადა და დაკისრებული პირგასამტეხლოს ოდენობა.

5.2 საპრივატიზებო საფასურის გადახდის ვალდებულების შეუსრულებლობის ან შესრულების ვადის დარღვევის შემთხვევაში, პირგასამტეხლო განისაზღვრება გადაუხდელი თანხის 0,1%-ის ოდენობით დარღვევის დღიდან ყოველ გადაგადაცილებულ დღეზე, მაგრამ არანაკლებ 5 (ხუთი) ლარისა. პირგასამტეხლოს დარიცხვა გაგრძელდება საპრივატიზებო საფასურის გადასახდელი ნაწილის სრულად გადახდამდე ან სააგენტოს მიერ ხელშეკრულების ცალმხრივად მოშლამდე, იმის მიხედვით რომელი გარემოებაც დადგება უფრო ადრე.

5.3 ამ მუხლის 5.2. პუნქტით გათვალისწინებულის გარდა, ხელშეკრულებით გათვალისწინებული სხვა ვალდებულების დარღვევის შემთხვევაში, ქონების შემძენს ეკისრება პირგასამტეხლოს 100 (ასი) ლარი ყოველ გადაგადაცილებულ დღეზე.

5.4 ხელშეკრულებით გათვალისწინებული ვალდებულებების სააგენტოს მიერ დაწესებულ დამატებით ვადაში შეუსრულებლობა და/ან დაწესებულ ვადაში პირგასამტეხლოს გადაუხდელობა, სააგენტოს მიერ განიხილება ხელშეკრულების ცალმხრივად მოშლის საფუძველად.

5.5 პირგასამტეხლოს გადახდა უნდა განხორციელდეს თანხის შემდეგ ანგარიშზე ჩარიცხვით:

მიმღები სახელმწიფო ხაზინა: TRESGE22

სახაზინო კოდი: 300773287

(შემოსავალი ხელშეკრულების პირობების დარღვევის გამო დაკისრებული პირგასამტეხლოდან).

5.6 ხელშეკრულების ცალმხრივად მოშლის შემთხვევაში, ამ ხელშეკრულებით პრივატიზებული ქონება (ან მისი გამოჯვრის შედეგად, ან სხვა უძრავ ქონებასთან გაერთიანების შედეგად წარმოქმნილი უძრავი ქონება, ან ტერიტორიაზე შექმნილი დამოუკიდებელი უფლების ობიექტები) ბრუნდება ქ. თბილისის მუნიციპალიტეტის საკუთრებაში (მიეცევა ქ. თბილისის მუნიციპალიტეტის საკუთრებაში). ხოლო ამ ქონებაზე რეგისტრირებული მესამე პირის (პირთა) იპოთეკის ან/და სხვა სახის უფლება (უფლებები) უქმდება, თუ აღნიშნული ქონების იპოთეკით/უფლებრივად დატვირთვამდე საჯარო რეესტრში უძრავი ნივთის შესახებ ჩანაწერში რეგისტრირებულია საპრივატიზებო ვალდებულების (ვალდებულებების) ამსახველი შესაბამისი ინფორმაცია. უძრავი ქონება ქალაქ თბილისის მუნიციპალიტეტის საკუთრებად რეგისტრირდება სააგენტოს მიერ სარეგისტრაციო სამსახურში წარდგენილი წერილობითი მოთხოვნის საფუძველზე, რაც არ საჭიროებს ქონების შემძენის ან სხვა ნებისმიერი პირის თანხმობას. ამასთან, ქონების შემძენს ქალაქ თბილისის მუნიციპალიტეტის მიერ არ აუნაზღაურდება გადახდილი თანხები და გაწეული ხარჯები, ასევე, ქონების შემძენს არ დაუბრუნდება ამ ხელშეკრულების საფუძველზე ქონების შემძენის მიერ მუნიციპალიტეტისთვის გადაცემული უფლებები და მისი განცხადებები რჩება ძალაში.

მუხლი 6. მხარეთა შორის ურთიერთობის სამართლებრივი რეგულირება

- 6.1 მხარეთა შორის სამართლებრივი ურთიერთობები რეგულირდება ამ ხელშეკრულებითა და საქართველოს კანონმდებლობით დადგენილი წესით.
- 6.2 მხარეთა შორის დავის არსებობის შემთხვევაში, მხარეებს უფლება აქვთ მიმართონ საქართველოს საერთო სასამართლოს.

მუხლი 7. სხვა პირობები

- 7.1 ხელშეკრულების ყველა გვერდი ხელმოწერილი უნდა იყოს მხარეთა მიერ.
- 7.2 ხელშეკრულება ძალაში შედის მხარეთა მიერ ხელმოწერის მომენტიდან.
- 7.3 ხელშეკრულებაში ნებისმიერი ცვლილება ან/და დამატება შეიძლება განხორციელდეს მხოლოდ მხარეთა წერილობითი შეთანხმებით.
- 7.4 ხელშეკრულება შედგენილია 3 (სამი) თანაბარმნიშვნელოვან ეგზემპლარად, ქართულ ენაზე. ერთი ეგზემპლარი წარედგინება სსიპ - საჯარო რეესტრის ეროვნული სააგენტოს სარეგისტრაციო სამსახურს (მარეგისტრირებელ ორგანოს). თითო ეგზემპლარი გადაეცემა მხარეებს.

საჯარო სამართლის იურიდიული პირი - ქონების მართვის სააგენტო

[●] -----

[●] -----